

四庫未收書輯刊編纂委員會編

四庫未收書輯刊

北京出版社

貳輯·拾捌冊

四庫未收書輯刊

四庫未收書輯刊編纂委員會編

北京出版社

〔清〕葉澐撰

綱鑑會編九十八卷歷代
統系表略三卷・之二

清康熙劉德芳刻本

貳輯・拾捌冊目錄

綱鑑會編九十八卷歷代統系表略三卷・之二

〔清〕葉燾撰

一

〔清〕葉澐撰

綱鑑會編九十八卷歷代
統系表略三卷・之二

清康熙劉德芳刻本

綱鑑會編卷四十一

文安 劉勰撰 正

崑山 葉 濤 錄

梁紀 附後魏

高祖武帝二

綱丙梁普通七年

春正月魏以楊津爲北道大都督。○初魏都督廣陽王浹通於尙書令城陽王徽之妃徽怨之言於太后以浹心不測乃以津代浹。

綱魏五原降戶鮮于修禮反。○二月魏西部敕勒斛律洛陽反三月爾朱榮討平之。○夏四月魏以元順爲太常卿。○

城陽王徽與黃門侍郎徐紇毀侍中元順出爲太常卿順奉

綱鑑會編卷四十一

梁武帝 魏孝明帝

一

辭時紇侍側順指之曰此魏之宰詔魏國不亡此終不死紇

脇肩而出順叱之曰爾刀筆小才止堪供几案之用豈應汗辱門下戮我妻倫因振衣而起太后默然

綱魏朔州鮮于阿胡反。○魏都督李琚討杜洛周敗死。○魏

長孫稚討鮮于修禮敗績

綱五月元畧自梁歸於魏。○畧自至江南晨夕哭泣常如

居喪及魏元叉死胡太后遣江革祖暉之南還以求畧梁主

禮遣之太后拜畧侍中賜爵東平王遷尙書令委任之然徐

鄧用事畧不敢違也

綱魏復以廣陽王浹爲北道大都督。○魏復命浹討鮮于

修禮章武王融裴衍爲左右都督並受浹節度城陽王徽復

譖其有異志后敕融衍潛爲之備浹懼事無大小不敢自決徽與鄭儼等更相阿黨外似柔謹內實忌刻賞罰任情魏政愈亂

綱秋七月魏行臺常景敗杜洛周於范陽。○鮮于阿胡陷魏

平城。○八月賊帥元洪業殺鮮于修禮降魏其黨葛榮復殺

洪業而自領其衆。○魏安北將軍爾朱榮執肆州刺史而以

爾朱羽生代之。○魏以榮爲安北將軍都督恒朔二州軍

事榮過肆州刺史尉慶賓忌之不出榮怒襲執之署其從叔

羽生爲刺史魏朝不能制初賀拔允及弟勝岳在恒州平城

陷岳奔榮勝奔肆州至是榮得勝大喜曰得卿兄弟天下不

足平也軍事多與之謀

綱鑑會編卷四十一

梁武帝 魏孝明帝

二

志行

綱葛榮襲殺魏都督章武王融廣陽王浹。○葛榮既得鮮

于修禮之衆北趣瀛州魏廣陽王浹引兵躡之榮輕騎掩擊

章武王融殺之自稱天子國號齊改元廣安浹聞融敗不進

侍中元晏宣言於太后曰廣陽王坐圖非望有于謹者爲之

謀主太后詔榜省門募能獲謹者有重賞謹自詣榜下太后

見之大怒謹備論浹忠款兼陳停軍之狀太后意解浹引軍

還趣定州刺史楊津亦疑浹有異志遣毛謚討之浹間行至

博陵逢葛榮遊騎劫以詣榮賊徒見浹頗有喜者榮惡而殺

之城陽王徽遂誣浹降賊錄其妻子浹府佐宋遊道爲之訴

理乃得釋

綱莫折念生降魏既而復反破六韓拔陵誘胡琛殺之。○

天水民呂伯度本莫折念生之黨也亡歸胡琛琛資以士馬使擊念生屢破其軍乃復叛琛東引魏軍念生窘迫乞降蕭寶寅寶寅使崔士和據秦州治天都督元修義停軍不進念生復反執士和殺之久之伯度亦為萬俟醜奴所殺賊勢益盛寶寅不能制琛與念生交通事拔陵浸慢拔陵誘琛斬之醜奴盡并其眾

綱冬十一月梁侵魏取壽陽○目梁主乘淮堰水盛遣豫州刺史夏侯亶等侵魏魏揚州刺史李憲以壽陽降梁陳慶之入據其城凡降城五十二獲男女七萬五千復以壽陽為豫州改合肥為南豫州以夏侯亶為二州刺史壽陽久罹兵革民多流散亶輕刑薄賦務農省役項之民戶充復

綱鑑會編卷四十一 梁武帝 魏孝明帝 三

胡寅曰梁武三築淮堰至是十年死者數十萬人然後能而易一人其愚拙不亦甚哉蓋貪憤之兵得已而不已視人如草芥者雖得之必失之故國君唯好仁則天下無敵梁主欲以此道而規河南不亦左乎

綱魏幽州治燕民執行臺常景叛降杜洛周○目魏盜賊日滋征討不息國用耗竭豫征六年租調猶不足乃罷百官所給酒肉又稅入市者人一錢百姓嗟怨吏部郎中辛雄上疏曰夷夏之民相聚為亂者正以守令不得其人百姓不堪其命故也宜及此時早加慰撫郡縣選舉妙盡才望不拘停年三載黜陟稱職者補在京名官不歷守令不得為內職則人思自勉枉屈可申彊秦莫不聽

綱工梁大通元年春正月梁陷魏殷州治廣阿刺史崔楷死

之榮遂圍冀州○目初楷表乞兵糧不得或勸楷單騎之官楷曰吾聞食人之祿者憂人之憂吾獨往將士誰肯固志哉遂舉家之官葛榮逼城或勸滅弱小避之楷遣幼子及一女夜出既而悔之遂追還賊至將士爭奮皆曰崔公尚不惜百口吾屬何愛一身連戰不息死者相枕終無叛志城陷楷執節不屈榮殺之遂圍冀州

綱魏蕭寶寅討莫折念生敗績魏以楊椿為行臺○目寶寅出兵累年將士疲弊至是大敗於涇陽今平涼縣汧城今汧陽縣岐州治平秦郡皆降於賊關中大擾雍州刺史楊椿募民拒守詔以椿為行臺節度關西諸將右民郎路思令上疏曰比年將帥多寵貴子弟軒眉攘腕以攻戰自許及臨大敵銳氣頓盡

綱鑑會編卷四十一 梁武帝 魏孝明帝 四

乃令羸弱居前以當寇強壯在後以衛身器械不精進止無節以當冒險之眾敵數戰之鹵欲不敗可得乎國家謂官賞尚輕屢加寵賚帑藏空竭民財殫盡遂使賊徒益盛生民彫敝凡以此也夫德可感義夫恩可勸死士今若明賞罰練士卒修器械先遣辯士曉以禍福如其不悛以順討逆何異勵蕭斧而伐朝菌鼓洪爐而燎毛髮哉弗聽

綱魏主戒嚴北討不果行○莫折天生寇雍州敗死眾潰○目天生寇雍州蕭寶寅部將羊侃隱身塹中射殺之眾遂潰綱梁侵魏圍東豫州及琅邪克三關○魏以房景伯為東清河治般陽今河南太守○目魏東清河郡山賊羣起詔以景伯為太守郡民劉簡虎嘗無禮於景伯舉家亡去景伯擒之署其

子爲據令諭山賊賊以景伯不念舊惡相帥出降景伯母崔氏通經有明識貝丘今淄川縣婦人列其子不孝景伯白其母母曰民未知禮義何足漢責乃召其母與之對榻共食使其子侍立堂下觀景伯供食未旬口悔過求還崔氏曰此雖面慙其心未也且置之凡二十餘日其子叩頭流血母涕泣乞還然後聽之卒以孝聞

綱二月莫折念生據潼關○三月魏主戒嚴西討不果行

綱梁主捨身於同泰寺書法並書其事不待貶而義見矣終綱曰書捨身四梁武帝凡三書焉

綱夏四月魏復以蕭寶寅爲西討大都督○目寶寅之敗也

免爲庶人至是楊椿有疾求解復以寶寅代之椿子昱將適洛陽椿謂之曰當今雍州無踰寶寅者但其上佐朝廷應遣

綱鑑會編卷四十一 梁武帝 魏孝明帝 五

心膂重臣何得任其牒用且寶寅不藉刺史爲榮吾觀其得

州甚喜恐有異心汝以此意啓二聖并白宰相輔更遣長史司

馬防城都督欲安關中正須三人耳昱如言啓聞不聽

綱秋七月魏陳郡今陳州亂討平之○魏樂安王鑒以鄴叛降

葛榮○八月魏大都督源子邕拔鄴城誅元鑒○九月秦州

人殺莫折念生以州降魏○冬十月梁將湛僧智夏侯夔圍

魏廣陵克之○目湛僧智圍魏東豫州刺史元慶和於廣陵

縣地今息縣司州刺史後改義陽又徙安陸夏侯夔引兵助之慶和

舉城降夔以讓僧智僧智曰慶和欲降公僧智今往必乖其

意公持軍素嚴必無侵暴受降納附漢得其宜夔乃登城拔

魏幟建梁幟慶和束兵而出吏民安堵梁主以僧智鎮廣陵

夔屯安陽南齊汝南郡屬縣由是義陽通道遂與魏絕

綱梁將陳慶之攻魏渦陽今蒙城縣克之○目梁領軍曹仲宗直

閭陳慶之攻魏渦陽尋陽太守韋放子獻將兵會之魏兵奄至

放營未立麾下纔二百人放免胃下馬據胡床處分士皆殊

死戰莫不一當百魏兵遂退魏又遣將軍元昭等帥衆五萬

救渦陽前軍未至四十里慶之曰魏兵遠來疲倦去我尙遠

必不見疑宜及其未集挫之乃帥麾下進擊破之還與諸將

連營而進背渦陽城與魏軍相持自春至冬數十百戰將士

疲敝曹仲宗等欲引還慶之杖節軍門曰置兵死地乃可求

生審欲班師慶之別有密敕犯者行之乃止魏作十三城以

控制梁軍慶之銜枚夜出陷四城渦陽城主王緯乞降韋放

綱鑑會編卷四十一 梁武帝 魏孝明帝 六

簡遣降者三十餘人分報魏諸營慶之陳其俘馘鼓譟隨之

九城皆潰追擊之俘斬略盡尸咽渦水

綱魏蕭寶寅殺關右大使酈道元舉兵反魏遣行臺長孫稚

討之○目寶寅之敗於涇也自念出師累年糜費不貲一旦

覆敗內不自安魏主亦疑之中尉酈道元性嚴猛汝南王悅

惡之時寶寅反狀已露悅乃奏以道元爲關右大使寶寅聞

之謂爲取己甚懼長安輕薄子弟復勸使舉兵寶寅以問柳

楷楷曰謠言讒生十子九子奴從反服一子不叛關中亂

亂治也大王當治關中何所疑寶寅遂遣將攻殺道元行臺

郎中蘇湛以病卧家寶寅遣姜儉說之湛入哭曰王本以窮

鳥投人朝廷假王羽翼以至於此屬國步多虞不能竭忠報

德乃欲乘人間隙守關問鼎魏德雖奉天命未改湛不能以百口爲王族滅寶寅知其不爲己用還武功遂自稱齊帝改元置百官魏以長孫稚爲行臺討之正平民薛鳳賢薛修義聚衆圍蒲阪以應寶寅詔都督宗正珍孫討之

綱十一月梁以蕭淵藻爲北討都督鎮滎陽○葛榮附魏冀州殺都督源子邕裴衍遂寇相州不克○日葛榮聞魏信都自春至冬冀州刺史元孚帥勵將士晝夜拒守糧儲既竭外無救援城陷與兄祐俱被執兄弟爭相爲死都督潘紹等數百人皆叩頭請死以活使君榮曰此皆魏之忠臣義士也皆免之魏命源子邕討榮裴衍表請同行許之行至漳水榮擊之皆敗死相州聞冀州陷人不自保刺史李神志氣自若撫綱鑑會編卷四十一 梁武帝 魏孝明帝 七

勉將士大小致力榮盡銳攻之卒不能克

綱魏大赦境內○日潘嬪生女胡太后許言皇子大赦改元綱魏長孫稚討蕭寶寅敗之寶寅奔万俟醜奴○日寶寅圍馮翊長孫稚兵至恒農郡也左承楊侃謂稚曰潼關險要守禦已固不如北取蒲坂渡河而西入其腹心置兵死地則華州之圍不戰自解潼關之守必內顧而走支節既解長安

可坐取也稚日子之計則善矣然今薛修義圍河東薛鳳賢據安邑宗正珍孫守虞坂不得進如何可往侃曰珍孫行陣一夫因緣爲將可爲人使安能使人河東治蒲坂西逼河封疆多在郡東修義驅民西圍郡城其家皆留舊村一旦聞官軍至皆有內顧之心必望風自潰矣稚乃使其子彥與侃帥兵北渡據石錐壁命送降名者各還村俟臺軍舉三烽當亦舉烽相應無應烽者乃賊黨也於是一宿之間火光遍數百里賊圍城者不測各散歸修義鳳賢俱請降稚遂克潼關寶寅將侯終德因其敗襲寶寅寶寅奔万俟醜奴

綱葛榮殺杜洛周并其衆○魏太后胡氏進毒弑其主詔而立臨洮王世子釗○日太后再臨朝以來嬖倖用事故事縱綱鑑會編卷四十一 梁武帝 魏孝明帝 八

弛盜賊遽起封疆日蹙魏主年浸長太后自以所爲不謹凡魏主所愛信者輒以事去之務爲壅蔽由是母子之間嫌隙日深是時六州大都督爾朱榮兵強劉貴段榮尉景蔡儁皆歸之貴屢薦高歡於榮榮見其憔悴未之奇也既有悍馬命翦之歡不加羈絆而翦之竟不蹄齧起謂榮曰御惡人亦猶是矣榮奇其言坐之牀下屏左右訪以時事歡曰聞公有馬十二谷別色爲羣畜此竟何用也榮曰但言爾意歡曰今天子闇弱太后淫亂嬖孽擅命朝政不行以明公雄武乘時奮發討鄭儼徐紇之罪以清君側霸業可舉鞭而成此賀六渾字歡小之意也榮大悅自是每參軍謀并州刺史元天穆與榮善榮常與天穆及賀拔岳密謀舉兵入洛內誅嬖倖外清羣

盜遂舉兵塞井陘魏主亦惡儼等逼於太后不能去密詔榮舉兵內向欲以脇太后榮以高歡爲前鋒行至上黨今澤安府魏主復以私詔止之儼紇恐禍及己陰與太后謀酖魏主殺之立僞皇子爲帝既而下詔曰潘嬪所生實皇女也臨洮世子釗高祖之孫可立遂迎釗卽位生三年矣爾朱榮聞之大怒謂元天穆曰我欲赴哀山陵翦誅姦佞更立長君何如天穆曰如此則伊霍復見於今矣乃抗表曰大行皇帝背棄萬方海內咸稱酖毒致禍又立皇女虛行赦宥上欺天下惑朝野已乃選君於孩提之中實使姦豎專朝隳亂綱紀今羣盜沸騰鄰敵窺竄而欲以未言之兒鎮安天下不亦難乎願聽臣赴闕參預大議問侍臣帝崩之由訪禁衛不知之狀以綱鑑會編卷四十一

梁武帝魏孝明帝 九

親以承寶祚

徐鄭之徒付之司敗雪同天之恥謝遠近之怨然後更擇宗

胡寅曰

魏氏之亂始於世宗政事不修重以肅宗幼弱胡氏制機德彰聞元澄雍樛才薄力弱劉騰元叉擅權黜貨以召六鎮之兵雖其間非無忠謀至計排難解紛者而朝廷忽焉如元氏崔光袁翻李崇張普惠辛雄楊椿源子道諸人之言皆不聽也然則非爾朱榮高歡能亡魏也魏自己耳

綱三月葛榮陷魏滄州○魏爾朱榮舉兵晉陽夏四月至河陽立長樂王子攸而沉太后胡氏及幼主釗於河殺王公以下二十人自爲都督中外諸軍事封太原王遂入洛陽○爾朱榮與元天穆議以彭城武宣王有忠勳其子長樂王子攸素有令望欲立之遣從子天光告之子攸許之榮以銅爲顯祖諸子孫各鑄像惟子攸像成榮乃起兵發晉陽靈太后

用徐紇計遣李神軌帥衆拒之別將鄭先護鄭季明守河橋在孟津縣四月子攸潛自高渚渡河會榮於河陽今孟津縣濟河卽位以榮爲都督中外諸軍事封太原王先護季明開城納之將軍費穆亦降徐紇鄭儼皆已走太后落髮出家盡召明帝六宮皆令入道榮召百官奉璽綬備法駕迎於河橋遣騎執太后及幼主至河陰縣名今屬開封府太后對榮多所陳說榮拂衣而起太后及幼主並沉於河費穆密說榮曰公士馬不出萬人以京師之衆百官之盛知公虛實有輕侮心宜大行誅罰更樹親黨慕容紹宗諫之不聽榮至陶渚在河陰西北引百官集於行宮西北列胡騎圍之責以天下喪亂肅宗暴崩朝廷貪虐不能匡弼之罪因縱兵殺之自丞相高陽王雍司空元欽儀

綱鑑會編卷四十一 梁武帝魏孝莊帝 十

同元略以下死者二千餘人榮乃令其軍士言元氏既滅爾朱氏興皆稱萬歲榮又遣數十人拔刀向行宮殺魏主之兄無上王劭弟始平王子正遷魏主於河橋置之幕下魏主憂憤使人諭榮曰帝王迭興盛衰無常今四方瓦解將軍奮袂而起所向無前此天意非人力也宜以此時早正尊號時高歡勸榮稱帝左右多同之賀拔岳曰將軍首舉義兵志除姦逆大勲未立遽有此謀正可速禍未見其福榮乃自鑄金爲像凡四鑄不成卜之亦曰未可榮精神恍惚不自支持久而方寤寤自悔曰惟當以死謝朝廷岳請殺歡以謝天下左右以四方多事須藉武將請捨之乃止榮夜復迎魏主還營叩頭請死榮所從胡騎殺朝士既多不敢入洛榮乃議欲遷都

其將汎禮固諫乃奉魏主入城大赦時百官蕩盡唯散騎常侍山偉一人拜赦洛中士民逃竄直衛空虛官守曠廢榮乃遣使巡城勞問於是朝士稍出人心粗安然猶執遷都議都官尚書元譔爭之榮怒曰河陰之役君應知之譔曰天下事當與天下論之奈何以河陰之酷恐元譔乎譔國之宗室位居常伯正使今日碎首流腸亦無所懼榮大怒欲抵譔罪譔顏色自若乃捨之後數日榮與魏主登高見宮闕壯麗列樹成行乃歎曰元尚書之言不可奪也由是罷議榮因入見重謝河橋之事誓言無復二心魏主亦為榮誓言無疑心榮喜求酒飲之熱寐魏主欲誅之左右不可乃止榮夜半方寤自是不復宿禁中矣榮舉止輕脫喜馳射性嚴暴喜愠無恒左網鑑會編卷四十一 梁武帝 魏孝莊帝 十一

右恒有死憂

綱魏徐紇奔太山鄭儼伏誅○目儼與從兄榮陽太守仲明謀據郡起兵為部下所殺

綱魏汝南王悅臨淮王或北海王顥出奔梁○魏郢青南荊州皆叛附於梁○五月魏立肅宗嬪爾朱氏為后○目榮女先為肅宗嬪榮欲魏主納以為后魏主疑之黃門侍郎祖瑩曰昔文公在秦懷嬴入侍事有反經合義陛下獨何疑焉遂從之榮甚悅

尹起莘曰叔季之君受制強臣鮮有能自全者惟處身以禮以聽天命之去留則或庶幾焉爾朱氏既嬪於肅宗公長榮又迫於榮而立之苟能以禮自守縱使終於不免要亦得正而榮不至亂男女之別也況立后所以承宗廟正母儀又烏可以懷寵為比乎

綱爾朱榮還晉陽以元天穆為侍中錄尚書事兼領軍將軍○目榮令天穆入洛陽朝廷要官悉用其腹心為之

綱魏詔聽民入粟○目時承喪亂之後倉廩虛竭始詔入粟八千石者賜爵散侯五百石者賜出身

綱梁遣將軍曹義宗圍魏荊州○目義宗堰水灌城不沒者數版時魏方多難不能救城中糧盡刺史王罷賁與將士均食每出戰不擐甲胄仰天大呼曰州城孝文皇帝所置天若不祐國家令箭中王罷額不爾王罷必破賊彌歷三年前後搏戰甚衆亦不被傷

綱六月元或自梁歸於魏○目或聞魏主定位求還梁主惜其才而不能遣遣之

綱鑑會編卷四十一 梁武帝 魏孝莊帝 十一

綱魏侍郎高乾高昂免○目高乾與弟敖曹昂以與魏主有舊爾朱榮之向洛也逃奔齊州聞河陰之亂起兵於河濟之間至是乃降魏主皆以為侍郎爾朱榮以乾兄弟前為叛亂不應復居近要魏主乃聽解官歸敖曹復抄掠榮誘執之

綱魏河間邢杲反○目侯醜奴稱帝○秋八月魏太山太守羊侃據郡降梁○目侃以其祖規嘗仕宋常有南歸之志徐紇依之侃起兵遣使降梁

綱九月葛榮圍魏相州爾朱榮討擒之冀定滄瀛殷皆平○目葛榮引兵圍鄴衆號百萬爾朱榮帥精騎七千馬皆有副倍道兼行東出滏口○目水名在磁州以侯景為前驅葛榮曰此易與耳自鄴以北列陣數十里爾朱榮潛軍山谷為奇兵分督將

已上三人爲一處處有數百騎揚塵鼓譟使賊不測多少又以人馬逼逐刀不如棒勒軍士各置神棒一枚置馬側至戰時慮廢騰逐不聽斬級以棒棒之而已分命壯勇所向衝突身自陷陣出於賊後表裏合擊大破之擒葛榮檻送洛陽斬之餘衆悉降縱其所之羣情大喜數十萬衆一朝盡散待出百里之外乃始分道押領隨便安置擢其渠帥量才授任五州皆平初宇文肱從鮮于修禮戰死其子泰從葛榮至是爾朱榮愛其才以爲統軍

綱魏爾朱榮自爲大丞相○冬十月梁立元顥爲魏王遣將軍陳慶之將兵納之據銍城今漢銍縣在亳州境○魏遣將軍費穆

救荊州獲曹義宗○十一月魏復取太山郡羊侃徐紇奔梁

綱鑑會編卷四十一 梁武帝 魏孝莊帝

三

志行

○目魏遣兵擊侃於瑕丘徐紇說侃乞師於梁侃信之紇遂奔梁魏圍益急南軍不進侃亦潰圍奔梁魏復取太山

綱十二月魏幽州韓樓反○目葛榮餘黨韓樓復據幽州北邊被其患爾朱榮以賀拔勝鎮中山樓畏勝不敢南出

綱已梁中大通元年西魏永安二年春正月魏主追尊其父勰爲皇帝○目

魏主尊彭城武宣王爲文穆皇帝廟號肅祖將遷神主於太廟而以高祖爲伯考臨淮王或諫曰漢光武於元帝屬疎服絕猶身奉子道入繼大宗別祀南頓君於春陵況肅祖於高祖親北面爲臣乎二后皆將配享此爲君臣並筵嫂叔同室臣切以爲不可不聽

綱夏四月魏王顥拔榮城稱皇帝○目魏元天穆將擊邢杲

以顥北上乃集文武議之尙書薛淑曰邢杲鼠竊狗偷非有遠志顥帝室近親來稱義舉其勢難測宜先去之天穆不從引兵東出顥與陳慶之乘虛進拔榮城胡註曰古寧陵縣北有沙陽亭俗名堂城榮者堂字之說也 有衆七千遂卽帝位於淮陽城南攻魏行臺濟陰王暉業於考城擒之

綱魏元天穆討邢杲平之○五月魏主顥取梁國榮陽虎牢

○目顥克梁國魏都督楊昱據榮陽陳慶之攻之未克元天穆等至梁士卒皆恐慶之解鞍林馬諭將士曰我衆纔七千爾三十餘萬今日惟有必死乃可得生當及其未盡至急取其城而據之耳乃鼓之將士蟻附而入執楊昱俄而天穆等引兵圍城慶之力戰破之進拔虎牢

綱鑑會編卷四十一 梁武帝 魏孝莊帝

十四

志行

綱魏主子攸奔河內顥入洛陽以陳慶之爲車騎大將軍○

目子攸將出未知所之或勸之長安高道穆曰關中荒殘何可復往車駕不若渡河徵天穆及榮引兵進討子攸遂走河內臨淮王彧安豐王延明帥百官迎顥入洛陽改元建武以慶之爲車騎大將軍元天穆拔大梁顥使慶之擊之天穆將北走郎中溫子昇諫之不聽費穆攻虎牢將拔聞天穆走遂降慶之進攻大梁下之慶之以數千之衆自發銍縣至洛陽凡取三十二城四十七戰所向皆克顥命黃門郎祖瑩作書遺子攸曰朕泣請梁朝誓在復恥正欲問罪於爾朱出卿於虎口耳河南州郡多附於顥齊州刺史沛郡王欣集文武議所從軍司崔光韶抗言曰元顥受制於梁引寇讐之兵以覆

宗國此魏之亂臣賊子也豈惟六王家事所宜切齒下官皆荷朝眷未敢仰從眾皆是之狀乃請斬之

綱六月魏都督費穆伏誅○自穆至洛陽魏主顧責以河陰之事而殺之

綱魏湖陽叛降於梁○閏月魏爾朱榮渡河魏主顧走死陳慶之走歸梁魏主子攸歸洛陽榮自爲天柱大將軍○日魏

主子攸之出也單騎而去侍衛後宮按堵如故顧一旦得之意遽驕怠日夜縱酒不恤軍國所從南兵陵暴市里朝野失

望爾朱榮馳見子攸於長子諱安附子攸即日南還榮爲前驅旬日之間兵衆大集顧既得志與臨淮王或安豐王延

明謀叛梁與陳慶之外同內異爾朱榮兵至慶之守北中城綱鑑會編卷四十一

梁武帝魏孝莊帝五地北顓據南岸慶之三日十一戰殺傷甚衆榮使爾朱兆與賀拔

勝縛筏夜渡顓軍潰失據帥麾下南走慶之收衆結陣而還榮追之慶之軍士死散略盡乃削髮鬚爲沙門閒行還建康

顯至臨潁今開封府屬縣爲縣卒江豐所殺傳首洛陽楊津灑掃宮庭封閉府庫出迎魏主子攸於北邙流涕謝罪子攸遂入洛

陽加榮天柱大將軍或復自歸於魏主延明奔梁慶之自魏還特重北人朱異問之曰吾始以爲大江以北皆戎狄之鄉

比至洛陽乃知衣冠人物非江東所及也奈何輕之綱秋七月魏以高道穆爲中尉○日魏主之姊壽陽公主行犯清路道穆擊破其車公主泣訴之魏主曰中尉清直豈可以私責之道穆見魏主魏主勞之道穆免冠謝魏主曰朕愧

卿卿何謝也

綱魏始鑄永安五銖錢○日魏多細錢米斗幾直千高道穆曰在市八十一錢得銅一斤私造薄錢斤重二百既示之以

漢利又隨之以重刑抵罪雖多姦鑄衆今錢徒有五銖之文而無二銖之實置之水上始欲不沉此朝廷科防不切之

過宜改鑄大錢一斤七十文載年號以記其始則私鑄無利而自息矣楊侃亦乞聽官民並鑄使民樂爲而弊自改從之

綱八月魏太保楊椿致仕○九月梁主再捨身於同泰寺○日梁主幸同泰寺設大會釋御服持法衣行清淨大捨素牀

瓦器乘小車役私人親爲四衆講涅槃經羣臣以錢一億萬奉贖表請還宮三請乃許四衆出家者二比丘比丘尼也在

綱鑑會編卷四十一梁武帝魏孝莊帝六言示寂又曰無爲乃不生不死之地綱魏討韓樓獲之幽州平○万俟醜奴寇魏東秦州即隴東郡今隴

州陷之○冬十一月魏以城陽王徽爲太保蕭贊爲太尉長孫稚爲司徒○十二月梁以陳慶之爲北兖州治淮陰刺史○

日有妖賊僧彊自稱天子土豪蔡伯龍起兵應之衆至三萬攻陷北徐州治鍾離慶之討斬之

綱庚辰中大通二年魏永侯醜奴夏四月獲之遂克高平獲蕭寶寅皆誅之○日万俟

醜奴侵擾關中爾朱榮以天光爲都督賀拔岳侯莫陳姓也

悅爲左右都督討之三月醜奴自將圍岐州遣尉遲菩薩攻圍趣柵賀拔岳擒之降卒萬餘收其輜重醜奴聞之棄岐州

北走安定四月天光至汧渭之間停軍牧馬宣言侯秋更進
醜奴信之散眾歸耕據險立柵天光知其勢分密嚴夜發黎
明拔其大柵所得俘囚皆縱遣之諸柵皆降天光徑抵安定
醜奴走追及於平涼侯莫陳崇單騎入賊生擒醜奴眾皆披
靡遂大破之天光進克高平執蕭寶寅皆送洛陽賜寶寅死
斬醜奴於市

綱六月梁以元悅為魏主秋七月魏討万俟醜奴餘黨滅之
之三秦河今渭水渭今華州瓜在今華州涼今涼州鄯今鄯善州皆
平魏以宇文泰為征西將軍行原州治今高平事○日
奉從賀拔岳入關以功遷官時關隴彫弊泰撫以恩信民皆
感悅日早遇宇文使君吾輩豈從亂乎

綱鑑會編卷四十一 梁武帝 魏孝莊帝

七

綱九月長星見魏爾朱榮至洛陽與太宰元天穆皆伏誅
○日榮雖居外藩遙制朝政樹置親黨伺察動靜魏主雖受
制於榮然性勤政事數親覽詞訟理冤獄榮聞之不悅榮使
其從弟世隆攝選部啓北人為河南諸州魏主未許太宰元
天穆曰天柱有大功若請普代天下官恐陛下亦不得違魏
主正色曰天柱若不為人臣朕亦須代若猶存臣節無代天
下百官之理榮聞之大悲恨曰天子由誰得立今乃不用我
語爾朱后性妬忌屢致忿恚魏主遣爾朱世隆語以大理后
曰天子由我家置立今便如此我父本即自作今亦復決世
隆曰正自不作若本自為之臣今亦封王矣魏主既外逼於
榮內迫於后恒怏怏不樂榮好獵不捨寒暑不避險阻士卒

苦之天穆從容謂曰王勲業已盛宜順時蒐狩何必盛夏馳
逐感傷和氣榮攘袂曰未能混一海內何得遽言勲業聞朝
士猶自寬縱今秋欲與兄戒勒士馬核獵高令貪汙朝貴
入圍搏虎仍出魯陽悉擁生蠻北填六鎮明年簡精騎出江
淮縛取蕭衍然後奉天子巡四方乃可稱勲耳今不頻獵兵
士懈怠安可復用也城陽王徽侍中李或勸魏主除榮侍中
楊侃僕射元羅膠東侯李侃晞武衛將軍奚毅皆預其謀會
榮請入朝徽等勸因其入刺殺之九月榮至洛陽魏主即欲
殺之以天穆在并州恐為後患故忍未發并召天穆人有告
榮以魏主之謀榮具奏之魏主曰外人亦言王欲害我豈可
信邪於是榮不自疑每入謁從數人不持兵仗魏主欲止徽
綱鑑會編卷四十一 梁武帝 魏孝莊帝

六

日縱不反亦何可耐況不可保邪先是長星入中台掃大角
人謂除舊布新之象榮甚悅至是郎中李顯和語人曰天柱
至那無九錫都督郭羅察曰今年真可作禪文何但九錫魏
主皆聞之及天穆至魏主乃召中書舍人溫子昇告以殺榮
狀并問以殺董卓事子昇具道本末魏主曰王允若赦涼州
人必不至此良久又曰吾寧為高貴鄉公死不為常道鄉公
生乃伏侃等十餘人於明光殿東榮與天穆並入坐食未訖
起出謀遂泄世隆勸榮速發榮不聽然預謀者皆懼魏主患
之徽曰以生太子為辭榮必入矣魏主從之乃伏兵明光東
序聲言皇子生遣徽馳告榮榮遂與天穆俱入溫子昇預作
赦文執以出遇榮問之子昇色不變曰敕榮不敢視入坐李

侃睇等抽刀從東戶入榮即起趨御座魏主先橫刀膝下遂手刃之天穆亦死內外喜譟百僚入賀魏主登門大赦遣奚毅將兵鎮北中城是夜爾朱世隆帥榮部曲走屯河陰初榮黨田怡聞變議攻宮門賀拔勝止之及世隆走勝亦不從魏主甚嘉之

尹起莘曰魏胡失德孽后亂朝潛行醜毒變生宮掖爾朱榮率兵討之宜矣然而河陰之禍有定滅之所不為者今又謀行篡逆魏能取而殺之禍日正其代誅之罪蓋亦幸之云爾然自魏晉而下如榮之此何可勝數成則為帝為王敗則供尸都市夫夫厥亂故使此徒得志未幾而高歡宇文泰踵其故轍相氏遂無唯類焉亦皆榮之黨爾嗚呼安得以禍目之者哉者而書數輩哉

綱魏僕射爾朱世隆反與汾州刺史爾朱兆立長廣王曄於長子冬十二月入洛陽遷其主子攸於晉陽而弑之○鑑世

綱鑑會編卷四十一 梁武帝 魏孝莊帝 元

隆欲還北司馬子如曰當此之際不可以弱示人不如分兵守河橋還軍向京師出其不意或可成功世隆從之攻河橋殺奚毅據北中城魏朝大懼十月世隆遣爾朱拂律歸將胡騎一千皆白服來郭下索太原王尸羣胡慟哭聲震城邑魏主集羣臣議皆性懼不知所出散騎常侍李苗奮衣起曰今朝廷有不測之危正忠臣烈士效節之日臣雖不武請以一旅之衆為陛下徑斷河橋魏主許之苗募人從馬渚上流乘船夜下縱火焚橋爾朱氏兵在南岸者爭橋北渡俄而橋斷溺死甚衆苗泊小渚南援不至爾朱兵就擊之苗赴水死世隆亦收兵北遁汾州刺史爾朱兆聞榮死帥衆據晉陽世隆至長子兆來會之共推太原太守長廣王曄英之子也即位世

隆兄仲達亦起兵徐州向洛陽賀拔勝與戰不勝降之初爾朱榮嘗問左右曰一旦無我誰可主軍衆以兆對榮曰兆雖勇所將不過三千騎堪代吾者惟賀六潭高歡小字耳爾非其匹終當為其穿鼻乃以高歡為晉州刺史及兆引兵向洛召歡歡曰兆狂愚如是而敢為悖逆吾勢不得久事爾

朱矣託言山蜀未平初蜀人從汾晉者依山而居故日山蜀時蜀人亦乘時叛亂也辭不至十二月兆輕兵倍道兼行從河橋西渡魏主以大河湫廣謂兆未能卒至是日水不沒馬腹暴風揚塵漲天兆騎叩宮門宿衛乃覺矢不及發一時散走魏主步出雲龍門外遇城陽王徽乘馬走呼之而不顧而去兆騎執魏主鎖之永寧寺撲殺皇子汗屋嬪御妃主縱兵大掠殺臨淮王彧等徽齋金百

綱鑑會編卷四十一 梁武帝 魏主曄 三

斤馬五十匹以前洛陽令寇祖仁一門三刺史皆已所引拔故往投之祖仁私謂子弟曰今日富貴至矣乃怖徽云捕將至令其逃於他所使人於路邀殺之送首於兆兆不之賞既而夢徽謂己曰我有金二百斤馬百匹在祖仁家卿可取之兆即捕祖仁徵其金馬祖仁謂人密告遂望風款服云實得金百斤馬五十匹兆疑其隱匿依夢徵之祖仁家舊有金三十斤馬三十匹盡以輸兆兆猶不信發怒執祖仁懸首高樹大石墜足碎之至死初魏主殺榮詔河西賊帥紇豆陵三字姓也步蕃襲秀容至是步蕃南下兆留世隆鎮洛陽亟還晉陽以禦之還魏主於晉陽高歡帥騎邀之不及因與兆書為陳禍福兆不納竟弑之三級佛寺

綱魏紇豆陵步蕃大破爾朱兆於秀容兆及晉州刺史高歡擊殺之兆使歡統六鎮○鑑步蕃既破兆於秀容南逼晉陽兆懼使人召高歡并力相禦歡往往逗遛兆屢敗告急歡乃往從之與兆進兵合擊大破斬之兆德歡相與誓為兄弟詣歡宴飲初葛榮部眾流入并肆者二十餘萬為契胡陵暴皆不聊生謀亂不止兆患之問計於歡歡曰六鎮反殘不可盡殺宜選腹心使統之兆曰善誰可者賀拔允請使歡領之歡歐允折齒曰取捨在王何敢妄言請殺之兆以歡為誠遂以其眾委焉歡以兆醉恐醒而悔之遂出宣言受委統州鎮兵可集汾東受號令乃建牙陽曲川軍士素惡兆而樂屬歡莫不皆至居無何又與兆言并肆頻歲霜旱民無穀色請令就

綱鑑會編卷四十一

梁武帝 魏主畢

主

五十四

食山東待溫飽更受處分兆從之長史慕容紹宗諫曰高公雄才蓋世復使握大兵於外譬如借蛟龍以雲雨將不可制矣兆弗聽歡自晉陽出滏口道逢爾朱榮妻北鄉公主自洛陽來有馬三百匹盡奪而易之兆乃自追歡至襄垣縣名今屬潞安會漳水暴漲橋壞歡隔水拜曰借馬非他偏山東盜耳王信讓來追今不辭渡水而死恐此眾便叛兆自言無此意因輕馬渡水謝歡復斬白馬與歡為誓因留宿夜飲旦日歸營復召歡歡將詣之長史孫騰牽歡衣乃止兆隔水肆罵馳還晉陽

綱魏齊州刺史蕭贊走死○目齊州附於爾朱兆贊走卒於陽平漢東郡有陽平縣魏晉分屬陽平郡今莘縣地梁人或竊其柩以歸梁主猶

以子禮葬之陵次

綱梁以陳慶之為南北司州刺史○目慶之屢破魏兵遂罷義陽鎮兵停水陸漕運江湖諸州並得休息開田六千頃二

年之後倉廩充實

綱齊中大通三年魏節閔帝廢其主畢而立廣陵王恭○鑑世隆兄弟密議以魏主陳遠無人望欲立近親廣陵王恭羽之子也好學有志度以元義擅權陽得瘖疾薛孝通說爾朱天光廢畢而立之那子才為赦文敘敬宗枉殺爾朱榮之狀魏主曰永安于前強臣非為失德直以天末厭亂故逢成濟之禍耳魏主閉口八年至是乃言中外欣然以為明主詔以三皇稱皇五帝稱帝三代稱

綱鑑會編卷四十一

梁武帝 魏節閔帝

主

五十四

王暹為冲抑自泰以來競稱皇帝今但稱帝亦已褒矣加爾朱世隆儀同三司贈爾朱榮相國晉王加九錫又為榮立廟於首陽山因周公舊廟而為之廟成尋為火所焚初敬宗使史件龍陽文義守太行及爾朱兆南向件龍文義先降兆遂乘勝入洛至是世隆論件龍等功封千戶侯魏主曰於王有功於國無勲竟不許

綱魏幽州行臺劉靈助反○目靈助善推算知爾朱氏將衰劉氏當王幽瀛滄冀之民多從之

綱魏河北大使高乾起兵信都以冀州迎高歡○鑑乾與封隆之等襲信都奉隆之行州事為敬宗舉哀將士皆縞素升壇誓眾移檄州郡共討爾朱氏殷州刺史爾朱羽生襲之高

敖曹不暇擐甲將十餘騎馳擊之羽生敗走敖曹馬稍絕世左右無不一當百時高歡屯壺關聲言討信都衆懼高乾曰

吾聞高晉州雄略蓋世其志不居人下且爾朱無道弑君虐

民正是英雄立功之會今日之來必有深謀吾當輕騎迎之

乃潛謁歡於滏口說之曰爾朱酷逆痛結人神凡曰有知莫

不思奮明公威德素著天下傾心若兵以義立則倔強之徒

不足爲明公敵矣鄆州雖小戶口不減十萬穀積之稅足濟

軍資願公熟思之歡大悅與同帳聚趙郡李元忠故河南太

守顯甫之子世喜任俠以平賊功拜南趙郡後魏郡太守

及爾朱兆弑敬宗棄官歸謀舉兵討之會高歡東出元忠乘

露車載素箒濁酒以迎歡歡聞其酒客未卽見元忠下車獨

網鑑會編卷四十一 梁武帝 魏節閔帝 三

酌謂門者曰本言公招延俊傑今聞國士到門不吐哺輟洗

其人可知還吾刺勿通也門者以告歡遽見之引入觴再行

取箒鼓之長歌慷慨歌闌也曲終謂歡曰天下形勢可見公猶

事爾朱邪歡曰富貴皆彼所致敢不盡節元忠曰非英雄也

歡曰趙郡醉矣使人扶出元忠不肯起孫騰曰此君天遣來

不可違也歡乃復留與語元忠慷慨流涕歡亦悲不自勝元

忠因進策曰殷州小無糧仗不足以濟大事若向冀州高乾

邕兄弟必爲明公主人殷州便以賜委殷冀既合則滄瀛幽

定自服歡急握元忠手而謝焉歡至信都封隆之高乾納之

高敖曹時在外略地聞之以乾爲婦人遣以布裙歡使子澄

以子孫禮見之敖曹乃與俱來歡至山東約勒士卒絲毫不

敢侵犯每過麥地歡輒步行牽馬遠近聞之皆稱高儀同將兵整肅益歸心焉

綱魏封其故主輩爲東海王○魏以爾朱世隆爲太保○日

時天光專制關右兆奄有并汾仲遠擅命徐兗世隆居中用

事競爲貪暴而仲遠爲尤甚所部富室多誣以謀反沒其婦

女財物而投其男子於河人畏之如豺狼由是四方皆惡爾

朱氏而憚其強莫敢違也

綱魏以高歡爲渤海王○日魏封歡爲渤海王徵之不至乃

以爲東道大行臺冀州刺史

綱魏都督侯淵討劉靈助誅之○日初靈助起兵自占曰三

月之末我必入定州爾朱氏不久當滅至是兵敗爲侯淵所

網鑑會編卷四十一 梁武帝 魏節閔帝 四

斬函首入定州果如其期

綱夏四月梁太子統卒○日統自加元服梁主使省錄朝政

辨析詐謬秋毫必睹俱令改正不加案核斷獄多所全宥寬

和容衆喜愠不形於色好讀書屬文引接才俊不蓄聲樂每

霖雨積雪遣左右周行閭巷視貧者賑之天性孝謹在東宮

坐起恒西向母丁貴嬪卒水漿不入口腰帶十圍減削過半

及寢疾恐貽梁主憂敕參問輒自力手書及卒朝野惋愕諡

曰昭明

綱梁立子綱爲太子六月封孫歡爲豫章王譽爲河東王啓

爲岳陽王○日初昭明太子葬丁貴嬪有道士云此地不利

長子請厭之乃爲蠟鵝及諸物埋於墓側宮監鮑邈之有寵